


Jhon Freddy Montoya ta celebra 25 aña di servicio cultural



Ya caba ta 25 aña cu mi a haya e grandioso oportunidad aki di por cuminsa desaroya mi mes profesionalmente riba nos paraiso stima cu nos ta yama Aruba.

Mi ta sumamente agradecido cu tur persona cu a forma parti di e trayecto maravioso aki di mi bida profesional y cu di curason awe mi ta afirma cu mi ta sinti mi masha honra cu boso por a permiti mi persona drenta den boso cas, pa mi por brinda tur cos positivo cu tin den mi ser creativo, sensitivo y inspira.

Mi ta sinti mi feliz di por comparti tur mi experiencia y sabiduria acumula pa tanto aña di estudio y di profesionalismo y di por comparti tur esaki cu tanto placer cu nos pais Aruba den asina tanto proyecto di arte y cultura cu a keda registra exitosamente den pasado y cu a

ser alcanza cu boso grandioso esfuerzo y trabao den ekipo pa nos por logra haci cosnan grandi y poderoso pa nos baranca y permiti nos mes cu tanto esfuerzo y responsabilidad pa tur soño bira realidad. Hopi aprecio y gratitud pa e isla di mi bida y e prenda di mi alma; mi ta sinti mi hopi privilegia di por forma parti di boso grandioso famia. Despues di mira atras, mi por bisa y confirma cu a bal la pena tanto lucha y sacrificio. Masha danki di curason na tur persona, director, ex-directornan, coleganan y ex-coleganan di mi trabao pa kere den mi talento y capacidad, ta hopi loke mi a siña di boso.

Danki na tur fundacion, organisacion, scol, alumno, maestro, artista, etc; cu ya caba pa 25 aña mi ta trahando man den man cu asina tanto

amor y dedicacion pa brinda den conhuntito un bon servicio y duna un empuhe na nos cultura en general pa yuda engrandecer, eleva y aporta na e desaroyo positivo di nos comunidad.

Mi ta sinti mi mes hopi bendiciona di por a conta y sigui conta cu boso sosten, baloracion y Amistad incondicional.

Tambe mi kier manifesta cu mi ta hopi agradecido cu e famia Arubiano cu mi a sa di adapta y haci parti di mi sistema y cu a forma den mi un aprecio real pa e folklore, cultura y tradicion di un pais cu mi ta carga den mi alma y mi ser ilumina.

Imposibel pa lubida tur amigo y trabaonan den cooperacion cu a forma parti di tur logro conquista y cu a brinda mi tur guia y consehonan pa mi persona por ta, tur loke mi ta awo y cu mi por mira atras tur realisa y bendiciona.



Danki na Dios pa mi talento, danki na mi formacion alcanza na Colombia y sacrificio di mi famia. Danki Aruba pa boso amor, aceptacion y brasa fraternal. Mi ta aprecia danki pa habri asina tanto porta pa mi persona y pa brinda mi asina tanto oportunidad cu mi a tuma den mi man. Hopi aprecio pa boso sosten, pasenshi y tambe pa boso coreccion, comprension y e

bon consehonan duna. Hopi bendicion pa boso tur di un forma special. Di e manera aki mi ta manifesta bek mi compromiso pa cu nos pais stima, expresando cu mi ta sinti mi mas cu fortuna di por ta formando parti special di e gran-famia Arubano cu di curason mi ta stima asina tanto, cu'n curason sincero, di un forma profundo, honesto y real.

GET 1 MEDIUM PIZZA
Choice of
BBQ CHICKEN
PEPPERONI FEAST
DELUXE • VEGGIE
OR 2 TOPPINGS

+ Choice of
• 3 PCS MARBLED COOKIE BROWNIE • 16 PCS PARMESAN BREADBITES
• BREADSTICKS • CINNASTIX

FOR 33⁰⁰ AWG
Excluding delivery charge

PALM BEACH 586 0333 **TANKI LEENDERT 582 0333** **SAVANETA 584 0444** **BOULEVARD 583 0333**

ORDER AT [DOMINOSARUBA.COM](https://www.dominosaruba.com)

Offer is not valid in combination with any other Domino's Aruba offer or promotion. Best Pizza Aruba NV reserves the right to stop the promotion at any time without prior notification. Prices do not include delivery charge. This offer is valid until further notice.